



Won gottes genaden wir Wilhelm/ vnnnd wir Ludwig gebüeder/ Pfaltzgrauen bey Rhein/ Herzogen in

Obern vnnnd Nidern Bayrñ etc. Thun aller meniglich in vnserm Herzogthümß Bairñ mit disem vnserm offen ausschreib
ben zü wissen. Nachdem der Allmechtig Got von aller vnser sünd wegen/ vber gemaine Cristenheit vnd sonnderlich/
vber vnnsere Teütsche Nation vilerlay straff/ fürnemlich mit beschwärlichen vnnnd vnerhörten theürungen/ kriegem/ vnnnd
krankheiten/ Darneben mit zerspaltungen vnnsers heiligen gelaubens vnd anndern vnaingkeitn/ etlich zeit here verhenngt/
dazwischen sich auch dises jars züetragen. Das der Erbfeind Cristenlichs gelaubens vnd namens der Türckh/ das Cri-
stenlich Künigreich Hungern vberzogen/ züm merern tail in sein gwalt bracht/ Auch mit erbärmlichen Tyrannischen plüet-
uergießen vnnnd verderben/ Vil Chustenlicher menschen lennder/ vnd gegenden/ dermassen verwüest hat/ das solhs wienor/
solanng sich menschlich erfahrung streckt/ nie beschehen noch befunden wüdet. Lieben dem auch/ das sich allenthalben
grausam sterben vnnnd krankheitn erzaiigen vnd erheben. Daraus ain yeder Cristen mensch/ Bey ime selbst/ vnd aus den
alten geschichten sich wol züerinnern hat/ Wo wir alle in gemain vnd sonnder/ von vnnsern sünden mit absteen/ püeswertig-
keit fürnemen vnnnd würeckhen/ vnnnd zü der Barmherzigkait des allmechtigen/ mit ernst fliehen/ aus ganzem hertzen vnnnd
rechtm glauben/ zü im schreyen/ Das vorerzelte straffen mit aufhören. Sonnder die lanng vnnnd höchst geduld des All-
mechtigen/ mit noch schwärem/ merern/ vnd vntrüglichen straffen vergleicht werden. Dieweil wir aber durch
Gottes verhaiffung auch der heiligen väter vnnnd vilerlay vöckher exempel/ die vnzweiflich züersicht sollen haben/ so wir
von vnnsern sünden ablassen/ püeswertigkeit würecken/ vnd vnns zü vnnsrem Got wendden vnnnd keren/ das alsdann seiner
namnter Herzog Wilhelms vnd Herzog Ludwigs als Regierender Fürstñ ernstlich beger/ Buech/ will/ vnnnd inainung/
an all Stennde vnnsrer Lanndschaft vnnnd vntterthonen vnnsers Fürstenthümß Bairñ/ Reich vnnnd Arm/ Geistlich vnd
weltlich/ was wurden stats vnnnd die seyen/ solhs alles zübeherzigen. Wollen vnnnd Gebieten auch darauf/ das all
Gerichtzuerwaltung haben. Dergleich die vom Adl in iren Hofmarchen/ vnnnd von der Burgerschafft in vnnsrem Steten/
vnd Märckhtn/ In ainem yeden gezirck vnd Dechaney/ iren pfarrern vnd kirchhern/ Auch derselben verwalten/ predigern/
Seelsorgern/ vnnnd mithelfern/ sagen vnnnd mit ernst ersüechen/ Dergleich wo Clöster vnnnd odensleüt seyen/ an dieselben
Begern vnnnd verfürigen. Das gemain Cristenlich volckh auf offenn Cannzeln/ mit hailfamen Cristlichen leren/ In iren
predigen/ auch peichthören/ züabstellung aller sünden vnd laster/ vnnnd zü püeswürckung/ züm höchsten es ymmer müglich ist
vnd sein mag/ on aufhören züermanen/ vntterweisen/ vnnnd ziehen/ vnd für sich selbs in erlichem wandel leben. Der
gleich Ir die weltlichen vnnsrer Ambleüt/ vnnnd nachgesetzt obüigkaiten/ vnnnd alle annder so Gerichtzuerwaltung oder Hof-
marchñ haben/ ain yeder in seinem Stand auch ain Cristlich erber leben führen/ Die offenn gemainen laster/ als Goglest-
tung/ Eyruch/ Züetrinckhen/ vnd dergleichen vnlöblich sachen verneyden/ vnnnd bey den vntterthonen straffen/ vnnnd mit
züsehen. Vnnnd weiter in sonnderhait bey allen Tafernen/ in Steten/ Märckhtñ/ vnnnd aufm lannd/ die Tännz
des gemainen volckhs (daraus oberzelte laster sich merertails begeben) abschaffen vnd mit gestattñ. Vnnnd zü dem
allen/ sollet ir all priesterschafft vnnnd odensleüt/ in vnnsrem namen mit vleiss anlanngen/ Damit Sy in iren tagzeitn/ gepetn/
vnnnd ämbten der heiligen mess/ Ire sonndere gepet zü dem allmechtigen für alle gemainer Chustenheit anligen vnnnd wider-
wertigkait/ täglich thuen. Es sol auch allenthalben in vnnsrem lannd dem gemainen volckh auferlegt werden/
Das Sy zü allen vnnnd yeden mittags geleüt/ Gott den allmechtigen mit irm gepet vmbvergebung vnnsrerer sünden/ vnnnd
abwenden seins zorns vnnnd aller beschwerden/ Gemainer Cristenheit obligend/ mit andacht anrüeffen vnd bitten.
Wir wellen auch/ das bey allen Pfarren vnnnd Clöstern in vnnsrem Steten Märckhten/ vnnnd aufm lannd/ procession vnnnd
Ampter der heiligen mess/ ainstñ in der wochen/ nach yedes orts/ pfarrn oder closters gelegenheit gehalten/ Auch dis vnnsrer
auschreiben an den Cannzeln vnd vor den kirchmenigen vnd versamlungen des volcks verköndet werden sol. Aus dem
allen wir verhoffen/ der allmechtig Got werde nach größe seiner Barmherzigkait/ sein Cristlich volckh von iren widerwer-
tigkaiten erledigen/ vnd vor abfal verhüeten. Wellich auch dis vnnsrer fürnemen verachten oder dawider
handln/ oder zühandln gestatten oder züsehen werden/ dene oder dieselbn wollen wir nach vngnaden straffen/ Darnach
wisse sich ain yeder zürichten. Haben auch darauf zübefestigung dis vnnsrer offenn ausschreibens gegenwürtigen durch
vntter vnnsrem hiefürgedrucktem Secrete in vnnsrer Stat Münchn aufgeen lassen/ An Montag nach Sand Michaels
tag/ des jars als man zalte von Christi vnnsers lieben herren geburd fünfzehnhundert vnd irn Aunsinduertzigstñ Jar.